

AFIZIONATUAK. Txapelketak 50.000 euroko aurrekontua du; 18.000 emango ditu Udalbiltzak

Euskal Herriko Pilota Kluben Ligak Udalbiltzaren babesa izango du

Euskadiko Federazioarekin, Belate Elkartearekin eta Iparraldeko Ligarekin sinatu du akordioa



GARI GARAIALDE / ARGAZKI PRESS

Jose M. Agirre, Jesus M. Agirrezabala, Txema Aldamiz-Etxebarria eta Jon Rovira, atzo, Donostian.

Enekoitz Telleria | **DONOSTIA**

EAJk eta EAK kudeatutako Udalbiltzak, Zuzendaritza Batzordeak, Euskal Herriko Pilota Kluben Liga babestuko du. Atzo sinatu zen akordioa Donostian. Bertan izan ziren Jesus M. Agirrezabala eta Jose M. Agirre Udalbiltzako presidenteordea eta zuzendaritza taldeko kidea, Txema Aldamiz-Etxebarria Euskadiko Federazioko presidentea, eta Jon Rovira Belate Pilota Elkarteko bozeramailea —Andre Camino Iparraldeko Ligako presidentea egin zuen kale—.

Txato Agirrek azaldu zuen 18.000 eurokoa izango dela Udalbiltzak Euskal Herriko Ligari emango dion dirulaguntza, eta bi izan direla erabaki hori hartzeko izan dituzten arrazoi nagusiak: «Gaurko zatiketa administratiboaren gaintetik Euskal Herri osoa kontuan hartzen duelako, eta pilota guretzako kultur ondare bat ere badelako». Euskal Herriko Kluben Ligako antolatzaileek jasotako laguntza eta babesa eskertu zituzten. Laguntza hori gabe txapelketa behar bezala antolatzea «ezinezkoa» izango litzatekeela esan zuen Txema Aldamiz-

Etxebarriak, eta orain arte herrialde bakoitza bere kabuz ari-tu bada ere, Liga elkarrekin kudeatzearen garrantzia nabarmendu zuen. «Ikusi dugu Euskal Herria dela euskal pilotaren esparru naturala». Iparraldean eta Nafarroan egindako lana nabarmendu, ezker-paretako txapelketa «lehen urratsa» dela aurreratu eta bigarrena trinketera begira egin nahi dutela aurreratu zuen Aldamizek.

Jon Rovira Belate Elkarteko kideak pilotak Nafarroan duen egoera zatikatua gogoratu, eta txapelketaren garrantzia azpimarratu zuen. «Partaidetza

ESANAK

JOSE M. AGIRRE

(Udalbiltzako zuzendaritzako kidea)

«Gaurko zatiketa administratiboaren gaintetik, Euskal Herri osoa hartzen duelako laguntzen dugu Liga»

TXEMA

ALDAMIZ-ETXEBARRIA

(Euskadiko Federazioko presidentea)

«Ikusi dugu Euskal Herria dela euskal pilotaren esparru naturala»

JON ROVIRA

(Belate Elkarteko bozeramailea)

«Partaidetza kontuan hartuta, mundu osoan dagoen txapelketa garrantzitsuena da»

kontuan hartuta, mundu osoan dagoen txapelketa garrantzitsuena da».

Joan den asteburuan hasi zen Euskal Herriko Liga. 79 klubetan bildutako 217 talde ariko dira martxoko bigarren asteburua arte, bederatzi modalitate-tan banatuta. 50.000 euroko aurrekontua du txapelketak.

TXOKOAN

ESKU-HUSKA

Jokin Errastik Asegarcen jarraituko du

Zenbat urterako kontratua sinatuko duen zehaztea falta da oraindik, baina Jokin Errastik Asegarcen enpresan jarraituko du azken orduko ezustekorik ezean. Pilotariak berak onartu du lehen kobratzen zuenaren erdia kobratuko duela hemendik aurrera. «24 urte banitu ez nuen kontratu hori onartuko», adierazi du Errastik. 36 dauzka.

ERREMONTEA

Estelar ikusgarria gaur Hernaniko Galarretan

Binakako Erremonte Txapelketak atsedean hartuko du larunbata arte, baina txapelketako partida baten pareko maila du gaurko Galarretan antolatu duten estelarrak. Ezkurra txapelduna eta Aizpuru ariko dira Zeberio II.a txapeldunordearen eta Lizaoren kontra.

JAIALDIK

GAURKO PARTIDAK

GALARRETA. 16:00.

Larrea-Gaztelu / Uterga-Reklusa. Ezkurra-Aizpuru / Zeberio II.a-Lizaso. Altuna I.a-Aizpuru II.a / Bereziartua-Etxabe.

Sarasua-Mendizabal / Iribarren-Badiola.

DEPORTIVO. 17:00.

Ziskar II.a-Ziskar I.a / Urkijo-Imanol. Urkia-Juan Pablo / Iriondo-Rekalde.

Unda I.a-Torre / Gaubeka-Garrido.

BIHARKO PARTIDAK

URDULIZ. 22:00 (ETB 1, 22:30).

Leiza-Albizuri / Azpiroz-Nalda III.a.

Eskuz Binakako Nagusia.

Agirre-Barriola /

Berasaluze VIII.a-Beloki.

CINTRUENIGO. 18:00.

Etxaniz II.a-Erandonea III.a /

Mikel-Galarza IV.a.

Otaegi-Taberna

Garrido V.a-Almandoz.

ESKU-HUSKA. Biraoka aritu zen norgehiagoka osoan, oinetako bat jaurti zuen tanto batean, eta eserleku bat apurtu amaieran

Litekeena da EPELeko epaile bakarrak Goñi II.a zigortzea, Amurrioko gertakariengatik

E. Telleria | **DONOSTIA**

Mikel Goñik joan den ostiralean Amurrion egindako guztiek euren ondorioak izan ditzakete. Partidan zehar egindako hutsegiteek markagailuan izan zuten noski ondorioak nabarmenena, baina partida osoan zehar izandako jarrerak eta amaieran erakutsitakoak bestelako ondorio-
ren bat ere ekar diezaioke. Txartel beltza atera zion epaileak

partida hartan Mikel Goñiri. EPELeko epaile bakarra, Borja Osés, egun hartako akta ari da aztertzen, eta datozen eguntan jakinaraziko du erabakia. Goñik egindakoa falta arina, larria edo oso larria ote den deliberatu beharko du, eta araudi berriaren arabera, oso larritzat ere har liteke aurrelari nafarren jarrera. Horrela balitz, zigor ekonomiko handia ezarriko lio-kete pilotariari. Erabakia hartu



ANDONI CANELLADA / ARGAZKI PRESS

Mikel Goñi.

bezain pronto bilduko da Osés pilotariarekin, eta alegazioak aurkezteko duen epearen berri emango du. Zentzu horretan, txapelketako lehen jardunaldian Abel Barriolari ateratako txartel beltza baliorik gabe utzi dute. Aldageletara sartu zen takoen poltsa hartzera, eta ez zekien hori egitea debekatuta zegoenik. Faltza arina dela, eta zigorrak ez jartzea erabaki dute.

Arazorik ez atzo Urdulizen eta Iruñean; gaur, Eibarren (12:00)

Urdulizen eta Iruñean egin ziren atzo Eskuz Binakako Txapelketako bigarren jardunaldirako lehen bi pilota aukerake-

tak. Ez zen Juan Mari Juaristik aukeran jarritako pilotekin arazorik izan; ez batean eta ez bestean.

Urdulizen, oso gutxitan gertatzen dena gertatu zen: bi bikoteek aukeratutako pilotek pisu berbera zuten. 102,2, 104,7 eta 105,5 gramokoak izan ziren bai Berasaluze VIII.a-Belokirenak bai Agirre-Barriolarenak. Iruñean, 104,4, 106,7 eta 105,7 gramokoak aukeratu zituzten Goñi II.a-Elkorok. 105,9, 106,2 eta 105,8 gramokoak Olaizola I.a-Ruizek. Sendaogak azken bi horienak. Gaur, Unanue-Peñagarikano eta Eugi-Goñi III.aren txanda da, Eibarren (12:00).